

四庫全書

子部

欽定四庫全書

子部

名義考

目錄

卷九

詳校官中書

臣張虎拜

員外郎

臣牛稔文覆勘

覆校官中書

臣康儀鈞

校對官學正

臣常循

膳錄監生

臣龍翔

膳錄貢生

臣施堂

欽定四庫全書

名義考卷八目錄

人部

訓詁註疏箋

堅白同異

反后之義

健羨

兆联

裁纔

遲夷

契闊間闊

鋒起蜂生

乾沒

合從連橫

委蛇魚雅

蒼黃

通方

廉隅

淪淪斷斷

巍嵒

風流

輶輶

依韋依違

軟血

裂繻封傳

不食周粟

施從施施

推轂

博奕

藏獄

傾蓋掃軌柴門

岸幘倒屣

如廁踞廁

朽鏹

折閱

運甓

結草銜環

後席前席

鳧藻魚水

不三宿桑下

玃盆彩燕

蒸報通

媧皇三事

尹喜

嫪毐乃嫪毐

孫臏黥布

班庫雋苻四姓

杜康伯樂

曹李敏捷

嵇阮醉

跬步

脉脉

瞽瞍儀狄

酣醕沈湎

欽定四庫全書

名義考卷八

明 周祈 撰

人部

訓詁註疏箋

顏師古曰訓者釋所言之理詁者明所載事物之故韻會註解也識也疏陳也又記也說文箋表識書也博物志鄭玄毛萇郡人謙言不敢註但表識其不明者耳因謂之箋

堅白同異

趙平原君客公孫龍善為堅白同異之辨成玄英疏云  
公孫龍著守白論堅持其說而守之如墨子墨守之義  
故曰堅白龍之辨蓋將合異以為同故曰同異莊子齊  
物篇之堅白肱篋篇之同異與夫蘓秦傳注黃所以為  
堅白所以為利三說亦辨者之事義與此又別公孫龍  
固鄧析之流也

肱音趨  
篋音挾

反后之義



說文司臣司事於外者从反后臣事事於外與后相反也后道寬惠司家褊急違於君也夫臣者行君之令者也與君相反違於君豈制字之義哉君尊臣卑尊卑反也君逸臣勞勞逸反也君可臣否可否反也君違臣弼違弼反也反后之義如此

### 健美

說文健伉也羨貪欲也司馬遷傳大道之要去健美如淳曰知雄守雌是去健也不見可欲使心不亂是去羨

也今人以健羨為嘆美之詞誤矣

兆朕

朕音引

廣韻吉凶形兆謂之兆朕按兆灼龜坼朕目眚二者著見幾微故吉凶形兆謂之兆朕或作朕兆而讀者作朕兆謬矣

裁纔

裁度也纔淺也一曰僅也裁何以謂之度裁本制衣制衣者必度其身故謂度為裁纔何以謂之淺纔本染色

一入謂之纔僅僅而已故謂淺為纔周易后以財成天地漢書財擇財察財幸引決自財皆當用裁字用財訛也謝鯤傳才小富馬援傳裁知書食裁足裁封數百戶漢文紀見馬遺財足皆當用纔字用才裁財皆訛也後人承訛習而用之以為出經史是豈可乎

### 遲夷

古者遲夷二字通用書遲任有言注遲一音夷河伯謂之馮夷或謂之馮遲史傳或言陵遲或言陵夷其義一

也

契闊間闊

詩死生契闊注契闊勤苦也諸葛豐傳間何闊今人以契闊作間闊亦誤

鋒起蜂生

東方朔變詐鋒起荀子嘗試之說鋒起謂如鋒刀齊起銳而難犯中山靖王傳讒言之徒蜂生謂衆多也蜂有鋒之義化書蜂其毒在尾垂穎如鋒故謂之蜂

乾沒

張湯傳始為小吏乾沒服虔曰乾沒射成敗也如淳曰  
豫居物以待之得利為乾失利為沒昔人謂得利曰乾  
削亦此意或以為陸沈之義非徐廣曰隨勢沈浮正義  
曰陽浮慕為乾心內不合為沒亦非

合從連橫

從音宗  
橫音宏

天下幅圓之勢南北為從東西為橫關東地從長六國  
共居之關西地橫閼秦獨居之蘇秦合六國擯秦故曰

合從張儀破關東從道使連秦之橫故曰連橫

委蛇魚雅

詩言委蛇晉張華儒雅有籌畧由是稱不迫者曰委蛇  
不俗者曰儒雅不知委从禾取禾穀垂穗委曲之貌蛇  
本蛇虺其行紆曲言大夫動而有法若禾穗之垂與蛇  
行也故沈讀作委委蛇蛇儒當作魚雅烏也魚與烏飛  
行皆成隊言人動容中禮無錯亂若魚與烏也故韓愈  
元和詩云魚魚雅雅魚與儒聲相近訛為儒雅俗作鴉

者非

虺音灰  
蛇音移

### 蒼黃

今人謂忽遽曰倉皇曰蒼惶又曰蒼卒義固不謬而倉  
蒼之文則不可解說文倉穀藏也蒼黃取而藏之故謂  
之倉徐氏曰蒼黃穀色也農人乘蒼黃而取之謹蓋藏  
戒後時也故以蒼黃為忽遽義彼作遑作惶者不知其  
為黃而誤也作卒者卒不可與蒼并言也作倉者亦非  
也

通方

方道也漢傳通方之士不可以文亂武帝紀方聞之士皆謂聞道與有道博聞之士也記曰隆禮由禮謂之有方之士語曰且知方也孰謂非道哉今指圓融滑稽之士為通方此士習之所以日陋也

廉隅

廉徐云稜也隅說文陬也即一物言之如堂之邊垂處一上一下其稜甚分明即廉遠地之廉也有分明不



苟取者曰廉義取諸此如堂之轉角處一正一旁其角甚峭厲即舉一隅之隅也人外貌端正維德之隅義取諸此

泐泐斷斷

泐馮泛二音斷音銀

左傳季札觀樂歌魏曰泐泐乎大而婉漢志周道哀洙泗之間斷斷如也學者習以泐泐斷斷為美辭不知其非也泐泐中庸之聲言可與為善可與為惡斷斷辨爭貌又忿嫉之意漢志斷斷當作閭閻所謂魯猶有揖遜

之風也

蕞嵯

蕞音喇  
嵯音鮓

山谷集蕞苴泥不熟也中州人謂蜀人不遵軌轍曰川  
蕞苴蕞郎假切苴音鮓考韻書無蕞苴有蕞嵯蕞盧下  
切讀若喇嵯除瓦切讀若鮓當作蕞嵯為是山谷亦未  
深考也

風流

人今稱輕俊者率曰風流南史王儉曰江左風流宰相

惟有謝安安矯情鎮物繫天下蒼生之望若東山所為其亦輕俊矣宜王儉少之也

輶輶

輶音歷  
輶音鹿

漢人有適吳者吳人設筍問之曰竹也歸而煮其筍不熟謂妻曰吳人輶輶欺我如此博雅車軌道謂之輶輶借軌道為詭道吳人輶輶猶言吳人詭道也

依韋依違

漢郊祀歌五音六律依韋響昭韋玄成傳上重其事依

違者一年歌依韋韋革之韋不相乖離也傳依違違背之違不決也

軟血

索隱曰盟之用牲貴賤不同天子用牛馬諸侯犬豕犬夫以下用鷄毛遂取鷄犬馬血來蓋總盟之用牲也增韻主盟者以血塗口旁曰軟顏師古曰預盟者各軟血餘者瘞之漢文紀作嘔血王陵傳作啞血

豕音家

裂繻封傳

繻音須傳張隱反

張晏曰繻符也書帛而分之若券契矣如淳曰兩行書  
繪帛分持其一出入關合之乃得過此所謂裂繻也釋  
名傳傳也轉轉相傳無常人也如淳曰律諸當乘傳及  
發駕置傳者皆持尺五寸木傳信封以御史大夫印章  
其乘傳者參封之有期會累封兩端端各兩封凡四封  
乘置傳者五封之兩端各二中央一也輶傳再封之一  
馬一封此所謂封傳也二者皆漢制今路引乃繻之遺  
意符驗勘合猶封傳也

輶音亮

不食周粟

夷齊恥食周粟與微子我罔為臣僕同意粟與論語與之粟粟字同訓餓而死謂窮困終身也議者謂薇非周土之毛見何陋耶三秦記謂夷齊食薇三年顏色不變武王戒之不食而死三年之久豈盡食薇耶豈必待武王戒之後枵腹以死耶

施從施施

施從之施音尸  
施施之施音移

離婁篇施從良人之所之施本作頓說文頓伺人也蚤

起伺良人之所之而從之也施施從外來施施當作訖訖廣韻訖訖自得之貌齊人饜足之狀也

推轂

荆燕世家呂氏推轂高帝就天下言諸呂奉推高帝取天下若推轂然馮唐傳王者之遣將也跪而推轂言以殊禮寵異之也一以薦賢為義一以遣將為義

博奕

奕圍碁也博局戲也今雙陸古謂之十二碁又謂之六

博又謂之五白博雅云投六著行六棊故為六博著簍也今名骰子自公至六曰六著棊局齒也內外各六曰六棊此六博之義也古者以五木為簍有梟盧雉犢塞五者為勝負之采梟以食為義便則食不便則為餘行為最勝盧黑色次梟亦為勝故博者云呼盧此五白之義也摶蒲經謂盧雉紅點犢塞黑點潘氏紀聞謂唐明皇賜四緋皆是後來如此楚辭招魂篴蔽象棊有六博此篴蔽以竹為簍象棊以象齒飾博局今猶然以骨代



簦以兩簦代五木自陳思王始也

藏櫨

櫨音業

宋丁謂為玉清昭應宮使夏竦為判官一日宴齋宮優人有雜手藏櫨者謂曰古人無詠藏櫨詩竦為一絕云  
舞袖挑珠復吐丸遮藏巧便百千般主公端坐無由見  
却被旁人冷眼看竦蓋諷之也藏櫨不惟古人無詠其名今亦罕聞疑即今踏桶戲也

踏音推

傾蓋掃軌柴門

孔子遇程子於塗傾蓋而語志林以為駢車兩蓋相切  
小歆之意戰國策注傾者却不御也劉勝告歸鄉里閉  
門掃軌集覽云掃除轍跡示不與人交也楊震收印綬  
於是柴門絕賓客顏師古以為籬落毘陵陳濟云塞斷  
其門不通出入也

岸幘倒屣

漢書注幘卑賤執事不冠者所服後世為燕巾廣韻露  
額曰岸光武岸幘見馬援徐氏曰躡履謂足跟不正納

履躡通作屣倒屣既不著跟又倒曳蔡邕倒屣迎王粲  
如廁踞廁

孟康曰廁行清也以其不潔常清除之也廣韻如往也  
晉侯如廁言往廁也又曰廁廁廁中受糞函萬石君  
作廁廁呂靜作械窬廁窬皆當作廁械虎子也又名獸  
子今日馬子古人為虎形取義於服猛為馬可跨也今  
則直為桶矣又居高臨邊垂曰廁武帝踞廁見衛青言  
臨高蹲踞以見也

朽鏝

朽音烏  
鏝音瞞

朽說文所以塗也秦謂之朽關東謂之鏝增韻朽塗鏝  
器也因謂塗鏝為朽論語糞土之牆不可朽也鏝說文  
鐵朽也徐氏曰所以泥也亦作塹孟子毀瓦畫塹朽與  
鏝一也即今泥壁是以鐵為之畫塹謂截止而不為鏝  
也

折閱

折音  
舌

尚書關石注彼此通同而無折閱謂之關荀子良賈不

為折閱不市注閱賣也謂折所閱賣之價則折閱猶俗  
謂折本也

運甓

陶侃運甓甓甑也說文瓴甌甓也廣韻瓴甌謂之埶埶  
即甑也詩中唐有甓謂廟中路甑也今繪圖者作抱甕  
之狀誤矣

結草銜環

世言報德曰結草銜環結草出左傳銜環無所出魏顆

從武子治命嫁其嬖妾及有輔氏之役見老人結草以  
抗秦師秦有力人杜回躓而顛因獲之夜夢老人曰所  
嫁婦人之父也楊寶見黃雀將死飼巾箱中毛成飛去  
有黃衣以白環四枚與寶言環而非銜隋侯見大蛇被  
傷因治之後蛇銜珠以報言銜而非環或合二事為言  
也

後席前席

孔子間居注負牆却就後席商鞅見秦孝公與語不自

知膝之前席漢文帝前席賈生古者坐於地以莞蒲為  
席天子諸侯則有黼黻純飾坐則居中遜避不敢當則  
却就後席喜悅不自覺則促近前席直一席有前後耳

鳧藻魚水

杜詩傳士卒鳧藻蜀志孤之有孔明猶魚之有水也鳧  
戲於藻光武之士卒似之魚忘於水先主之君臣似之  
一則保有全蜀一則恢復帝業有以哉

不三宿桑下

襄楷諫漢桓帝曰浮屠不三宿桑下不欲久生恩愛精  
之至也王幼學以桑下為衛桑中之詩淫奔之事何其  
窺釋氏之淺且陋也四十二章云沙門受道法者日中  
一食樹亦一宿慎莫再矣不三宿桑下即不再宿樹下  
之謂也

粃盆彩燕

粃音  
年

北俗除夕採竹木葉焚之謂之生盆元日剪烏金紙翩  
翩若飛翔之狀簪之謂之黑老婆按荆楚歲時記除夕



作蕢燭以麻粃濃油如庭燎謂之油粃今生盆之生當作粃元日剪彩為燕戴之曹松詩綵燕表年春王沂公帖字彩燕迎春入鬢飛燕為玄鳥遺卵生契故後人目為黑老婆即彩燕之遺也

蒸報通

下淫上曰蒸上淫下曰報旁淫曰通

媧皇三事

淮南子女媧鍊五色石補天斷鼇足立四極聚蘆灰止

滔水人多疑其荒唐不經然此不過言媧皇參贊之功耳江東俗謂正月二十日為天穿以紅縷繫煎餅置屋上亦謂之補天鍊石即此意斷鼇足如禹鎖巫支祈聚蘆灰如武王沉璧之類不必疑也

尹喜

世傳老子度關關令尹喜先勅門吏俟其至出迎又內傳關令尹喜周之大夫也人多讀為關令尹不知尹姓名喜為函谷關吏故曰關令且令尹楚上卿執政者非

關吏今稱縣令曰令尹亦非

嫪毐乃嫪毐

嫪音勞 毐音藹 藹音劉

呂不韋傳乃求大陰人嫪毐以其陰闕桐輪而行以唱  
太后拔其鬚眉為宦者相傳皆曰嫪毐說文釋毐引嫪  
毐索隱謂士罵淫曰嫪毐皆非也嫪嫪也毐士無行也  
二字本不相承嫪當作嫪从手廣韻嫪居尤切姓也即  
索隱亦以為姓孔叢子子順謂魏王曰今秦四境之內  
執政以下固曰與嫪氏乎與呂氏乎可見蓋大陰人姓

摎無行故曰摎毒猶朱邑傳稱魏倩也有謂為劉伯莊者摎與劉同音誤作劉也

孫臏黥布

臏音北

齊將孫臏名逸不可考臏非名也孫足為龐涓所斷故稱為孫臏臏乃肉刑去膝蓋骨之名漢淮南王黥布姓英黥非姓也布嘗坐法黥故人稱曰黥布黥乃墨刑在面之名韻會以黥為姓今武人有名孫希臏者可笑也

班庫雋苻四姓

庫音敕雋音選苻音蒲

班彪史誤作班彪班姓出楚令尹子文之後子文為虎  
所乳名穀於菟其子以虎文班名班後遂以為氏金城  
太守庫鈞讀者誤作庫鈞韻書庫式夜反从厂姓也庫  
古故反从广兵車藏也或者謂守庫大夫之後為庫姓  
不知倉氏庾氏則倉庫吏之後此姓苑有庫姓庾姓無  
庫姓也京兆尹雋不疑誤讀作雋不疑雋从佳乃雋永  
之雋肥肉也渤海商音姓若雋从佳音義與俊同秦苻  
堅誤作苻堅苻从艸乃苻苻之苻堅生背有赤文成艸

付祖蒲洪遂改姓苻若苻从竹又別為姓

厂音鹽广音  
儼佳音皆佳

桓音

### 杜康伯樂

說文少康一名杜康徐鉉曰孫陽即伯樂也亦曰王良  
國語謂之郵無恤

### 曹李敏捷

曹子建七步成詩李太白自言倚馬可待世稱敏捷者  
無如二子史育除夕詩五步而成柳公權賜邊衣詩三

步而成是又過於子建矣桓溫北征鮮卑喚袁宏倚馬  
前作露布文手不綴筆太白借用其事不然何為文乃  
言倚馬耶

嵇阮醉

盧仝詩玉山自倒非人推此嵇康事康醉倒如玉山之  
將頽杜甫飲中八仙歌知章騎馬似乘船此阮咸事咸  
醉騎馬歌傾人皆指而笑曰箇老子騎馬如乘船行波  
浪中二公放達方其山頽波擁胷次悠然豈直踈遠世

故哉

跬步

跬音窺

跬玉篇舉一足行也步白虎通人再舉足步備陰陽也  
司馬法六尺曰步跬得三尺俗謂之小步人行左步為  
左右步為右合則為行

行音斥  
于音祝

脉脉

古詩盈盈一水間脉脉不得語杜詩微微向日薄脉脉  
去人遙古詩以牛女相去河漢一水之間不得與語意



甚含蓄此古詩之妙也杜亦是雪詩絕唱然二脉脉字不可解按脉說文血理之分衰行體中者古詩脉脉當作覼覼爾雅覼相視貌謂相去雖近彼此盼視而語不相通意篤至矣杜詩脉脉當作驀驀增韻驀越也謂空中之雪愈望逾遠脉脉去人遙猶言越越去人遠也古字通用若直以脉字求之不得其意矣

瞽瞍儀狄

瞽瞍人多以為無目儀狄人多以為男子不知瞽瞍有

目儀狄女也孔穎達曰無目曰瞽舜父有目不能分別  
善惡故謂之瞽配字曰瞍蓋瞍亦無目之稱戰國策曰  
帝女儀狄所謂帝即禹也

酣醺沈湎

酣醺沈湎四者皆酒失也張晏曰中酒曰酣以酒為凶  
曰醺詩疏沈湎者飲酒過久若沈浸然湎則湎然俱醉  
顏色齊同

名義考卷八

欽定四庫全書

名義考卷九目錄

物部

蒲盧

菴竹

芭桑

葑菲

鬱鬯

黍稷種桂

梁粟杭稻

蘭蕙

鳧訖

頻婆

頻繁蘊藻

荂蘭

杜蘅

菱芡

萑葦

荇蓴

蓬蒿

杜榮葢楚

荷

水紅花

苹萍

芝

芳藜藿

蘿藦

菖蒲花

甘菊

遠志寄生

雕菰

芹獻葵傾

天棘

南燭

石南花

菟葵燕麥

菰芥蘆服蔓菁

稂莠

胡麻戎菽

茶即茶

松柏

橘柚

枏

梗梓豫章

女貞合歡

茅栗

木蘭

桐

桂子

陽燧陰燧

崖蜜石蜜木蜜竹蜜波羅蜜

唐棣

沈速

木芍藥木芙蓉

檇櫟

苳

竹

懈谷

蘄

離離

欽定四庫全書

名義考卷九

明 周祈 撰

物部

蒲盧

蒲盧沈括以為蒲葦或問以為果羸爾雅果羸之實枯樓夫蒲似莞葦大葭也果羸蜂也枯樓天瓜也不應相遠如此埤雅曰似匏而圓曰壺小而細腰曰蒲盧其根著在土而浮蔓常緣於木蓋蒲以浮為義盧猶壺盧今

人以盛藥物者是浮蔓與敏樹意正合果羸腰細有似於蒲盧借蒲盧以名果羸所謂玄蜂若壺也非謂果羸為蒲盧枯樓實兩兩相值有似於果羸又借果羸以名枯樓所謂果羸之實枯樓也非謂枯樓為果羸朱子訓蒲盧時意亦未安故託之沈括也

菴竹

大學菴竹毛詩作綠竹是以竹為冬生草篠蕩之屬綠為色矣以故二章青青三章如簣皆不可訓不知非也



按爾雅葦王芻注云葦蓐也今呼鷓鴣脚莎又爾雅竹扁  
竹注云似小藜赤莖節好生道旁可食又殺蟲疏皆引  
葦竹猗猗為據是葦非綠乃王芻竹非冬生草乃扁竹  
也詩傳亦主此說但王芻扁竹識之者尠嘗考王芻即  
本草葦草扁竹即本草篇蓄唐慎微云葦草葉似竹而  
細薄莖亦圓小生平澤溪澗之側煮以染黃極鮮好洗  
瘡有效俗名葦蓐草圖經曰篇蓄一名扁竹生下濕地  
苗似瞿麥葉細綠如竹赤莖如釵股節間花出甚細微

青黃色根如蒿根二草皆云似竹一生平澤溪澗之間  
一生下濕地正與淇澳水涯相應蓋草今尚無的識篇  
蓄在處有之南人呼鐵線草者是二草生於淇澳猗猗  
初生貌青青生而盛也如簣猶言草如茵也詩終朝采  
綠亦當作采茱若茱豆之茱當作綠其色綠也茱筍之  
茱當作角筍嫩者如鳥喙也

廿音入角音  
綠喙音惠

芭桑

易其亡其亡繫於芭桑傳謂芭桑為安固之道以桑之

為物其根深固苞謂叢生者其固尤甚此非善說易者也易謂休否之大人其視否也有其亡之戒故曰其亡其亡若繫於叢生之桑即書所謂若蹈虎尾涉於春冰也否休則泰來此大人所以吉也凡木樨則叢生喬則特立未有樨而可以為固者也書曰草木漸包包與苞同云水退而草木始叢生也至詩言苞者亦不一肅肅鵠行集于苞桑洌彼下泉浸彼苞稂亦可謂鵠集安固之桑泉浸安固之稂乎此其不然也大人致泰之意在

言外

鵠音保  
根音郎

葑菲

詩采葑采菲無以下體注謂不可以其根之惡而棄其莖之美此說非由不辨二物故也葑今蘿蔔箋葑蔓菁之類也陸佃云蕪菁一名葑紫華者謂之蘆服郭璞云蘆服蕪菁屬紫華大根蕪菁即蔓菁與葑相似紫華惟蘆服為然是葑為蘆服故曰蔓菁之類也佃說微有疵吉州人謂蘆服之脆美者為芋頭葑葑其名芋其形耳

謂蘆菔為葑者陳楚方言吉州故楚地名猶存菲今土  
瓜郭璞云菲芴土瓜也唐慎微土瓜根似葛細而多糝  
即月令所謂王瓜二物根為美詩人謂采葑采菲者得  
無以下體之故乎言已之顏色不足采而德音或可以  
配君子故承言及爾同死也

蘆音盧菔音  
白糝音纖

### 鬱鬯

記曰鬱合鬯臭先儒謂搗鬱金香草之汁和合鬯酒按  
本草鬱金無定識嘗考達磨俱舍論鬱金樹名出罽賓

國花黃色壓汁為香竊恐周以前屬賓未通中國先王  
不寶遠物亦何取鬱金也蓋鬱非草乃草之春筴猶鬯  
非酒乃酒之條達說文鬱作鬱芳草也十葉為貫百升  
貫筴以煮之為鬱故其字从臼从缶又曰百草之華遠  
方鬱人所貢則鬱乃合衆香草春筴之故曰鬱鬱人亦  
以是得名以是鬱和酒其氣條達故曰鬯衆香草薰蘭  
蕭艾之屬皆備也故曰百草之華王度記天子以鬯諸  
侯以薰大夫以蘭芝士以蕭庶人以艾諸侯以下各一

物天子備物耳禮記釋鬱鬯誤引鬱金本草釋鬱金誤引鬱鬯於是交亂矣埤雅釋草至以鬯亦為草名非甚

黍稷種桂

種音童  
稷音六

詩黍稷重穋黍即今黍北人曰黃米以釀酒者古以為  
秬鬯者也赤黍謂之釐黑黍謂之秬黑黍一稊二米者  
謂之秠稷即今稊北人曰小米以炊飲者古以為粱盛  
者也關西謂之縻冀州謂之縻重穋本作種桂其實不  
可知鄭司農曰先種後熟曰種後種先熟曰桂恐亦無

是種疑即今楚人所謂芒穀最先種者稭即今楚人所  
謂綠穀最後種者萌與種聲相近綠則稭之譌也

蔓音  
門柜

音巨科音敷稭音  
於糜音糜緊音欠

### 梁粟杭稻

梁與粟同類梁大而粟小詩詁曰梁似粟而大是也梁  
有青黃白三種最益脾胃但收穫少損地力故人多種  
粟而少種梁粟即禾說文禾嘉穀二月始生八月而熟  
粟嘉穀實春秋二十八年冬大無麥禾是也粟有黏不



黏二種黏者謂之秣爾雅秣黏粟釀酒汁少於黍為糗  
溫於大麥或以秣為稷之黏或以禾為苗皆非秣與稻  
亦同類稻黏而秣不黏說文秣稻屬沛國謂稻為粳是  
也秣今人所常食米有赤白大小四五種惟白晚米最  
勝一名秣別一種謂之占亦不黏宋真宗給江淮兩浙  
占城種也稻今造酒者是雜記曰醴稻醴字書解糗稻  
餅明醴與糗皆稻所為可見稻是粳說文沛國謂稻為  
粳無疑此本草所以有秣米稻米而無粳米一名秣爾

雅稌稻孔子曰食夫稻謂飲酒不然居喪者不粒食耶  
自漢人置稻田使者字林有稌稻秔稻之說於是始亂

矣

稌俗  
作糯

蘭蕙

古所佩蘭蓋都梁香一名蘭澤與澤蘭又別澤蘭俗名  
孩兒菊葉尖微有毛方莖紫節花似蘭澤而不香蘭澤  
葉似澤蘭光潤而有岐陰微紫花紅白色而香二蘭相  
似而小異又有山蘭似劉寄奴葉無桎馬蘭花似菊而

紫今人所種蘭草葉似麥門冬而潤且韌花黃有細紫  
點與所釋佩蘭全異陶隱居以蘭澤為澤蘭本草衍義  
以今蘭草為蘭澤皆非古所稱蕙蓋零陵香一名薰南  
越謂之燕草麻葉方莖赤花黑實氣如靡蕪可以已厲  
雖乾枯猶香爾雅翼蘭一莖一花蕙一莖五六花蕖初  
生芽有莖而後有柎有柎而後有花一莖一花單出者  
也一莖五六花叢出者也黃山谷曰一幹一花為蘭一  
幹數花為蕙並蘭蕙俱不識今人已不識蘭又執此以

辨蘭蕙益謬矣

韋音刃  
莖音移

薺

此音  
薺

今果實有曰薺薺諸書無薺薺字必薺薺也爾雅薺薺  
薺郭璞曰生下田苗似龍鬚而細根如指頭黑色可食  
本草謂之藉姑又苗曰剪刀草漢劉玄傳掘薺薺而食  
是也續漢書作符薺已非今作薺薺益妄矣

頻婆

北方有果六七月熟似林檎而大色通碧注以丹名頻

婆按華嚴經脣口丹潔如頻婆果注頻婆果名此果似  
北方林檎極鮮好者也又西域有頻婆帳頻婆香蓋頻  
婆梵音猶華言色相端好也此果鮮赤端好得頻婆名  
故西域種不知何時入中國也帳與香色似此果故亦  
謂之頻婆

頻繁蘊藻

蘋今浮萍也爾雅萍萍其大者蘋季春始生可糝為茹  
繁今白蒿也埤雅繁葉蘆於青蒿從初生至枯白於衆

蒿欲似細艾者陸璣云白蒿春始生及秋香美可生食  
又可蒸爾雅謂之皤蒿蒿萋亦似艾白色初生即可食  
詩食野之葍謂蒿萋也又非繁藻陸璣云生水底有二  
種一種葉如鷄蘇莖大如箸長四五尺一種莖大如釵  
股葉似蓬蒿皆好聚生故曰蘊藻

蒲音平  
葵音微  
蒿音  
商萋音閏  
莖音橫  
箸

著音

芄蘭

芄音  
丸

爾雅芄蘭說文芄蘭莞也莞即蒲一名苻離其上臺

名蒿一種極纖者名葦皆可為席但有精粗耳

藿音貫  
莞音官

符音蒲

蒿音歷

### 杜蘅

陶隱居云杜若葉似廉薑而有文理根似高良薑而細味辛香又絕似旋復根唐慎微云陶所注旋復根即真杜若也一名杜蘅又別有杜蘅圖經曰杜蘅苗似細辛根麓黃白色葉似馬蹄之下布者名馬蹄香山海經曰狀如葵其臭如靡蕪名曰杜蘅可以走馬食之已癭杜

若廣雅所謂楚蘅者也杜蘅爾雅所謂土鹵者也

菱芡

菱今菱角武陵記曰四角三角曰芡兩角曰菱爾雅蕒  
櫟是也又芡菜名實如山茱萸關西謂之薺若爾雅芡  
芡是也即屈到所耆者芡今鷄頭子一名鴈頭根謂之  
菱莖謂之薺爾雅所謂鉤芡也菱華背日性寒芡華  
向日性暖故醫家本草諸書有菱寒芡暖之諸要之  
芡有益于人也

櫟音眉薺音皆若音狗  
芡音決芡音光菱音菱



萑葦

萑音桓

埤雅葦即今之蘆一名葭葦之未秀者也萑即今之  
荻一名萑萑萑之未秀者也字說蘆謂之葭其小曰萑  
荻謂之萑其小曰葦埤雅以萑為萑荻葦為葭蘆字說  
以萑為葭蘆葦為萑荻大都不過二種而萑葦所屬不  
同今南土多蘆小者曰荻以代薪北土多葦以織箔此  
可見大者為蘆為葭南土所謂荻者萑也小者為荻為  
萑為葦字說為得埤雅不及也即爾雅亦未辨曰葭葭

中赤黑色曰亂以根旁行曰蘢初生苗也

蕒音毳 蘢音  
蕒音毳 蘢音

皮音

行蓴

行音杏  
蓴音純

苕一作茗一名接余葉紫赤色正圓徑寸餘浮水上莖  
上青下白與水淺深等大如釵股以苦酒浸之可案酒  
根在水底正白而細可糟食詩所謂參差苕菜也蓴一  
名茆一名鳧葵又謂鰓鰓草葉大如手圓而色赤莖大  
如箸柔滑可羹以篩盛漏水中結如冰柱張翰所思蓴

羹也

鰓音鴨  
鰓音鹿

蓬蒿

陸佃云蓬葉遇風輒拔而旋未識為何草古者觀轉蓬  
為輪葉雖乘風亦難圓轉今野外有草高尺許黃花花  
罷出白穗如彈丸極輕虛表裏洞見風起輒飛揚著地  
若轉環然疑此蓬也說文蒿菑也爾雅繁之類青蒿謂  
之菑皤蒿謂之繁牡蒿蔚鄉蒿蕭賴蒿葦蘿蒿莪其名  
不同至秋皆為蒿也一云皤蒿謂之蓬蒿

菑覲欠  
二音

杜榮萇楚

杜榮今慈草也似茅皮可為繩索履屨萇楚今羊桃也  
葉長而狹紫花實亦似桃枝莖弱引蔓草上莖浸以水  
汁出如膠可以黏土

荷

爾雅荷芙蕖其莖茄其葉蓮其本密其華菡萏其實蓮  
其根藕其中的的中薏注薏莖下白藕在泥中者蓮房  
也的蓮中子也薏中心苦

茄音歌蓮音選薏音密菡音  
萏音樺藕音弱莖音機薏

音意

水紅花

詩隰有游龍毛云龍紅草也陸機云一名馬蓼葉大而赤白色生水澤中高丈餘爾雅紅龍古其大者歸是也今北人多植之院落生水澤者謂之水蓼高不過二三尺

萍萍

萍藿蒿陸地所生者詩呦呦鹿鳴食野之萍是也萍浮

萍水生楊花所化一夜七子者爾雅萍萍其大者蘋詩  
于以采蘋是也

芝

說文芝神草徐氏曰芝為瑞服之神仙本草有青赤黃  
白玄紫六色今所見者玄紫二色如鹿角或如繖蓋皆  
堅實芳香叩之有聲一種木槩朽木株上生又名木槩  
賀氏曰芝木槩也一種胡菌天陰生糞上見日則死莊  
注謂之大芝菌與槩皆得名芝非芝也

芳藜藿

芳音  
條

芳說文葦華也通作苕抽條搖遠生華而無莖萼遇風  
則吹揚如雪其聚地如絮稍大為蘆今人取之以為帚  
曰芳帚是也一名荊禮記巫祝桃荊藜徐鉉曰今落帚  
或謂落藜初生可食邢昺以為王荅爾雅曰藜之科大  
為樹可為帚又可為杖今人曰杖藜是也子名地復子  
可入藥一名萊詩北山有萊藿說文菽之少豆葉也初

生可食一種鹿藿即豈豆

豈音  
勞

蘿藦

蘿正名女蘿即唐蒙也一名兔絲陸佃云在木為女蘿  
在草為兔絲爾雅翼女蘿正青而細長無雜蔓藦即宛  
童寄生草也陶隱居云生桑上者為桑寄生亦有生楊  
及楓上者各隨其樹名

菖蒲花

古詩菖蒲開花馬生角甚言菖蒲無花也梁太祖后忽  
見庭前菖蒲花謂侍者曰女見否曰不見因取吞之是



月產武帝此猶是異事至蘇子瞻和子由盆中石菖蒲  
忽開九花則誠有花矣風俗通菖蒲放花人取而食之  
長年則是菖蒲有花但不常有耳

### 甘菊

風俗通南陽郡鄠縣有甘谷其上有大菊水得其滋液  
飲者多壽爾雅疏菊有兩種一種莖紫氣香而味甘葉  
可作羹食者為真一種莖青作艾蒿氣味苦不堪食者  
名苦薏今菊甘谷者已矣大抵味甘者甘菊也

遠志寄生

世說謝安晦跡東山已而就桓溫辟有餉溫遠志者溫以問安此藥又名小草何也安未即答郝隆曰處則為遠志出則為小草安有媿色其實苗名小草東方朔傳幸倡郭舍人覆樹上寄生令朔射之朔曰是窶藪也舍人曰果知朔不能中也朔曰生肉為膾乾肉為脯寄生盆下為窶藪上令倡監撈舍人注以盆盛物戴於首故以窶藪薦之楊惲傳鼠不容穴銜窶藪其實窶藪不盡

皆寄生

榜音

雕菰

菰音孤

說文雕一名蔣今所食茭苗米也初生苗謂之茭白中心生臺如藕至秋如小兒臂可蒸食其中有黑點者謂之茭鬱至後結實可炊為飯乃雕菰米也爾雅齧雕蓬是也西京雜記作雕胡內則注作彫胡枚乘作安胡相如傳作觚盧爾雅翼云江南人呼茭草刈以飼馬肥土人謂之葑田其莖謂之菰書峙乃芻茭即此物又爾雅

芡牛蘄郭璞注今馬蘄葉細銳似芹可食本草注芡生水澤中苗似鬼鍼花青白色子黃黑色似防風子皆是物也但其名有異爾雅又兩言之耳

芹獻葵傾

今人言芹獻非水芹乃馬芹也言葵傾非蜀葵乃葵菜也芹獻說出嵇康野人美芹子韻會馬芹俗謂胡芹不可食惟子香美可調羹飲若水芹則無子故知是馬芹也葵傾說出左傳葵猶能衛其足說文葵菜也有紫白

莖二種常傾葉向日不令照其根若蜀葵蜀之言獨也  
無附枝葉不能衛足故知是葵菜也

天棘

杜詩天棘蔓青絲人多不識天棘為何物鄭樵以為柳  
非是學林新編以為天門冬按博物志天門冬逆將有  
刺若葉滑者名締體一名顛棘抱朴子天門冬在東嶽  
名淫羊藿在中嶽名天門冬在西嶽名管松在北嶽名  
無不愈在南嶽名百部在京陸山阜名顛棘二書所云

皆顛棘又按說文天顛也則顛棘即天棘也天棘即天門冬也

南燭

南燭曰華子謂即烏飯草也本草圖經葉類苦楝而小冬生紅子作穗謂之南天燭其種是木而似草又號南燭葉可以染飯食之令人健即太極真人青精乾石饅也根治誤吞銅鐵

饅音訊

石南花

石南花即今白繡毬花本草注石南生石上葉似枇杷  
但背無毛光而不皺正二月間開花冬含胎為苞一莖  
五六苞一苞中十餘花一花六葉如椿花甚細碎淡白  
綠色葉多於花既開惟見葉不見花花纔罷舊葉盡脫  
漸生新者湖南北江湘皆有之此惟白繡毬花為然故  
知為白繡毬花也

菟葵燕麥

爾雅菟葵菴燕麥本草注菟葵苗如石龍花白如梅

莖紫色煮汁極滑堪噉燕麥苗似小麥而弱實似穉麥而細二者今在處有之

菘芥蘆菹蔓菁

菘音菘  
菹音白

菘今白菜也芥今辣菜也蘆菹今蘿蔔也一名葍蔓菁即蕪菁也又名菹本草圖經菘與蕪菁相類梗長葉不光者為蕪菁梗短葉潤厚而肥痺者為菘衍義曰菘葉似蕪菁綠色差淡其味微苦陶隱居曰芥似菘而有毛味辛郭璞曰蘆菹蕪菁屬紫花大根又云蕪菁根細於



溫菘而葉似菘此說四物之最精者也菘謂之白菜者以白菘得名蘆菘謂之溫菘又謂之紫色菘一曰大芥爾雅疏謂葑也須也蕪菁也蔓菁也殽蕪也莢也芥也七者一物也夫葑與蘆菘一物蕪菁蔓菁莢一物芥一物須殽蕪郭璞謂似羊蹄葉細味酢與四物又不類當別一物疏殆未之辨與

稂莠

稂音郎  
莠音酉

爾雅疏稂一名童梁陸璣云禾秀為穗不成則疑然謂

之童梁爾雅翼莠似稷而無實今狗尾草一名莠詩注  
物成自秀要始

胡麻戎菽

胡麻似脂麻而大胡麻稽短而圓一名藤苳脂麻稽長  
而方一名苳勝皆可壓油古以為飯鄭司農以居五穀  
之首今脂麻南北皆有胡麻惟陝西近邊一帶有之云  
種出大宛故得胡名戎菽即今黃黑大豆大者曰菽小  
者曰荅古以為粥鄭司農以居五穀之一或以種出山

戎得戎名一曰戎大也戎穀猶言大豆也對小者荅而言

茶即茶

嘗考茶即茶也說文茶从艸余聲有二音一鉏加切一同都切有四義一苦茗霜後可食詩誰謂荼苦是也一委葉布地而生花黃如菊傳秦網密於秋茶是也三茹秀其穗色白詩有女如荼是也四苦茶茗也爾雅檟苦茶郭璞曰樹如梔子冬生葉可煮為羹飲本草苦茶能

去脂使人不睡是也後人視苦茗委葉茹秀為惡草作  
茶作同都切視茗為嘉木妄作茶作鉏加切於是有茶  
字又有茶字不知茶非正文也陸羽茶經曰其字或从  
艸或从木或艸木并从艸者茶正文也艸木并者旁从  
木作檟也巴南人曰檟檟俗以上从艸下从木作茶亦  
曰木并不知下余聲非从木也

松柏

松南土為多北鮮唯塞上者為尤大柏南北皆有之身

曲而葉直者松葉曲而身直者柏爾雅樅松葉柏身檜  
柏葉松身樅葉與身俱直檜葉與身俱曲也埤雅樅直  
而從檜曲而會柏木理堅緻美於松樅又美於柏尸子  
云松柏之鼠不知堂密之有美樅今塞上大者或即樅  
與古以為太廟梁材者也

橘柚

柚音育

橘今黃柑也劉晏傳江淮珍甘以味甘得名柑木銜馬  
口俗借用耳柚大於橘皮薄而苦不可口犀中小瓣如

麥粒解之視橘不易敗汁少而微酸詩秦風有條列子  
吳楚之國有大木其名爲櫟皆謂柚也似橘而小如彈  
丸者名檮似橘而大皮麤厚香美者名橙似柚而大如  
孟皮厚二三寸中似枳食之少味者名檨一種皮似橙  
狀如手指俗名佛手柑

枏

爾雅梅枏夫梅之曰枏猶鯉之曰鱣也枏即楠本大木  
木理細緻於豫章一名交讓木後人因爾雅梅枏之文遂

謂枅為梅雖許慎孫炎亦不復知有楠矣猶鱣本鱣鮪大魚鯉亦謂之鱣不應遂謂鱣獨為鯉也

### 榱梓豫章

古人稱美材曰榱梓豫章然四木鮮有辨之者榱蓋椿屬爾雅榱榱屬說文榱母枕此可見為椿屬也梓今梓木楸屬陸璣云楸之白色而生子者為梓正義云豫今枕木章今樟木服虔曰豫章生七年乃可知以枕樟初生相似也

女貞合歡

女貞一名萬年枝一名冬青江東人呼為凍生又訛為  
粽心葉凌冬不凋堪染緋木理白文如象齒子赤如郁  
李山海經秦山多貞木合歡一名夜合一名青裳北人  
謂之馬纓花木似梧桐葉與皂莢槐等至暮而合五月  
花開紅白色若絲茸然嵇康合歡蠲忿

茅栗

茅音序

杜甫詩園收茅栗未全貧與山農詞歲暮鋤犁空傍壁



呼兒登山收橡栗意同芋栗即橡栗櫟木子也材善為炭殼可以染子澁腸可禦歉歲莊子狙公賦芋即此物一作杼莊子食杼栗一名栩詩集于包栩一名柞陸機今柞櫟也一名櫟相如傳櫟椽不斷史記作采俗名皂斗今刻本與讀者皆云芋栗芋為蹲鴟栗為茨蝟是二物矣朱山人其富翁耶

### 木蘭

世傳木蘭舟不知木蘭為何物陶隱居云似楠木皮甚

薄而味辛香相如傳注如椒而香可作面膏或云與桂同或云桂中之一種玉篇欖木蘭也廣韻欖檀木別名則木蘭其理與材堅緻故云似楠皮亦香故云似椒桂

### 桐

陶弘景謂桐有四種青桐梧桐白桐岡桐青桐似梧桐無子白桐與岡桐無異惟白桐有花子此不足據賈思勰曰華而不實者曰白桐實而皮青者曰梧桐青白之外復有岡桐即油桐也埤雅曰青桐即今梧桐白桐無

子材中槩瑟岡桐子大而有油二說為是則桐止三種  
賈又曰白桐無子冬結似子者乃是明年之華房爾雅  
所謂榮桐者也鄭氏曰諸桐惟白桐最大可為棺槨爾  
雅所謂櫟梧者也注指櫟梧與榮桐木皆為梧桐非即  
郭璞亦未辨況其他乎岡桐埤雅云桐性便濕不生於  
岡反得岡名

### 桂子

桂子如蓮實閩粵間多有之郭璞云桂花而不著子謂

白花者也埤雅桂黃花者著子謂在閩粵者也餘則否

陽燧陰燧

周禮以夫遂取明火於日謂陽燧也淮南子方諸見月則津而為水謂陰燧也廣韻陽燧木名一名赤羅燧與燧同以其木謂之燧以其取火謂之燧今江浙間櫟木也與榆棗槐檀皆可取火淮南子注陰燧大蛤也說文方石也諸珠也周禮注鏡謂之方諸韻會方諸鑑名由淮南子注則方諸為蛤由說文則方諸為石與珠由周

禮注韻會則方諸為鏡珠胎于蛤孕月而生以取水氣相感也鏡呵之則水出亦可取水以鏡故又謂之鑑

崖蜜石蜜木蜜竹蜜波羅蜜

杜詩崖蜜亦易求注以為櫻桃南中八郡志榨甘蔗汁曝成飲謂之石蜜詩註枳枸樹高大似白楊有子著枝端如指長數寸噉之甘美如飴八月熟亦名木蜜孔氏六帖蜀中有竹蜜蜂好于野竹上結窠窠與蜜并紺色甘倍于常蜜一統志安南有波羅蜜大如冬瓜皮有軟

刺五六月熟味最甜香食能飽人

唐棣

爾雅唐棣移注似白楊江東呼夫移陸璣疏云唐棣與李也一名雀梅陸佃云唐棣一名移其華反而後合凡木之華皆先合而後開惟此華先開而後合故曰偏其反而

沈速

本草沈香木類椿櫟多節皮幹俱朽心與節不壞者香

也色黑而沈水者為沈香半沈半浮為鷄骨香最粗者為箋香酉陽雜俎一木四香根曰旃檀節曰沈香花曰鷄舌膠曰薰陸一名乳香丁香母亦謂之鷄舌伐樹而得者名生結樹自朽而得者名熟結又曰伐樹去木而得香者謂之生速樹仆於地木腐而香存者謂之熟速葉廷珪香譜更不名速何樹或生速熟速即生結熟結也速亦沈香與本產自異域鮮的名以其沈水謂之沈香以其自腐謂之熟結速又熟音之譌也

木芍藥木芙蓉

牡丹唐人謂之木芍藥李白序開元中禁中初種木芍藥謂牡丹也拒霜唐人謂之木芙蓉柳宗元詩嘉木開芙蓉李白詩花盡木蓮開皆謂拒霜也

樗櫟

韻會樗似椿北人呼山椿江東呼虎目葉脫處有痕如樗蒲子又如眼目故名材易大而不中器用今臭椿是爾雅櫟其實棗孫炎曰櫟實橡也有棗暈自裏木雖堅



而不堪充材今櫟炭木是

此

此音子廣韻此薑玉篇此草作紫者非又音豺廣韻此胡作柴者非

竹

竹類甚多本草所載惟簞淡苦三竹而已按竹譜簞音斤其竹堅而促節體圓而質勁皮白如霜大者宜刺舩細者可為笛淡竹肉薄節濶有粉南人以燒竹瀝者苦

竹有二種一種出江西及閩中本極龐大味殊苦不可  
噉一種出江浙肉厚而葉長濶笋微有苦味俗呼甜苦  
笋食品所最貴者不入藥

解谷

呂氏春秋伶倫自大夏之西沅渝之陰取竹于解谷兩  
節間注解脫也谷溝也取竹之無谷節者則解當作解  
兩節間自無谷節故云取竹于解谷兩節間或以為地  
名者非也

# 蘄

郡志蘄香草也葉如薜蘿即今之芹菜此說非蓋因廣韻蘄通作芹之說而誤也廣韻謂古文作蘄後通作芹如云馬蘄馬芹非謂蘄即芹也芹楚葵莖潔白有節其氣芬香可食蘄一名蒞一名薜蘿爾雅蘄蒞薜蘿郭璞云香草葉小如萎狀淮南子云似蛇床邢昺云芍藥苗也本草芍藥其葉名薜蘿圖經薜蘿一名蘄即楚詞所謂江離也楚謂之離晉謂之薜齊謂之蒞諸說甚明何


得謂之芹也陶弘景云芎藭出歷陽者節大莖細狀如馬銜謂之馬銜芎藭因謂馬銜為蘄三都賦結駟方蘄此亦可證吾郡之得名以此管子曰五沃之土生薜蘿蘄在荊域中亦沃土與說文江夏有蘄春亭前漢志江夏郡有蘄春縣蘄在秦為亭在漢高析南郡置江夏郡始為縣也又薜名山蘄又名白蘄茭名牛蘄又名馬蘄而白芷一名菹是以混而莫辨也

菹音齒又昌亥切  
蘄音泉芎音熊藭音窮

芷音  
止

離離

詩彼黍離離說文釋稿引詩彼黍稿稿長沙人謂禾把  
曰稿詩作離離與說文作稿稿俱非是按集韻攬攬黍  
稷行列也當作彼黍攬攬



名義考卷九

欽定四庫全書

子部

名義考

目錄  
卷十

詳校官中書臣張虎拜

員外郎臣牛稔文覆勘

覆校官中書臣康儀鈞

校對官學正臣常循

謄錄貢生臣施堂

欽定四庫全書

名義考卷十目錄

物部

鳳

五鳩

九雇

鯤鵬

烏

鷓鴣

黃鸝

鸞

鵲

雉



鵜鶘

鵲

鳥隹

鳥鼠

三臭

龍

鱗之而

駟虞斗牛螭虎

風馬牛

天祿辟邪

角角

牛溲馬勃

太牢少牢一牢五牲八珍

牴驪捷羯

魚須

飛魚白澤

邛邛鉅虛

獬豸鵩鵩

象鼻鯨尾

玃狔

鱣鮪

鯨鰓

魴鰈

蛤四蜃二

蛤蜊

蛄蟪蛄蛄

龜鼃

馬螳

青蚨海月

麋

馬頭娘

狼戾很戾

決明蠔蛸各二

畸螭

蜥蜴螭蛻

瑣瑤水母

蜚蛆蜈蚣蛇

鷄尸蚌兩

桂蠹

鎖陽五靈脂紫稍花

音聲木鵲鵲灘

蝨

皮革

十四物取義

鷓鴣

欽定四庫全書

名義考卷十

明 周祈 撰

物部

鳳

鳳神鳥也朋鵬皆古鳳字其雌曰凰一名鷖爾雅鳳曰鷖一名鷖南方七宿鷖是也漢蔡衡曰凡鳥象鳳者有五多赤色者鳳多青色者鷖多黃色者鷖多紫色者鷖多白色者鷖蓋鳳五色備舉總言之謂之鳳就其中赤

多者獨得鳳名故曰朱鳳或曰丹鳳又曰朱雀鸞也鸞也鸞也鸞也四者皆鳳也其色小異古謂鸞曰青鸞是矣鸞曰鸞鸞鸞曰鸞鸞鸞曰鸞鸞皆不言色惟鸞又曰黃鸞楚辭寧與黃鸞比翼乎漢始元元年黃鸞下建章宮雖言色而非白大抵皆鳳類而稱名或異也今人知鳳不常有而不知鸞鸞鸞亦不常有乃謂其為鸞為鸞妄矣

五鸞

左傳郟子五鳩祝鳩鵙鳩鵙鳩鵙鵙爾雅佳其鳩  
鵙疏云祝鳩也今水鳧是鳥之謹愿與波上下者詩詒  
鵙鳩王鵙也王鵙鵙鳩也今杜鵑是秋則為鵙春復為  
杜鵑月令鷹化為鳩者此也方其為杜鵑居幽閒遠人  
之地故曰在河之洲及為鵙則能搏擊故曰摯莊子誤  
以為布穀爾雅鵙鳩鵙鳩今布穀是牝牡飛鳴以翼相  
排居鵙之成巢有均一之德鵙鳩杜云鷹是爾雅謂之  
鵙鳩鵙蓋鵙字之誤鵙鳩杜云鵙鳩也一名鵙鳩今鵙

鳩是其聲，軻輈故謂之鳩。陸璣以為斑鳩，非五鳩之外。

如鳩而灰色者曰鷦鷯。天晴則呼其北，雨則逐之，常聞。

其聲又曰鳴鳩，似鷦鷯而大有繡項者曰斑鳩。

佳音錐  
鳩音扶

鴝音浮 鴝音甲 鴝音局  
鶻音骨 鶻音昭 鶻音勃

九雇

雇音戶

左傳：帝少昊以鳥名官，有九雇為九農。正說文：九雇農。

桑候鳥雇，民不淫者也。春雇鵲，鵲夏雇竊，玄秋雇竊藍。

冬雇竊黃棘，雇竊丹行雇，喑喑宵雇，嘖嘖桑雇，竊脂老。

雇鵓蔡邕獨斷曰春雇氏趣民耕種夏雇氏趣民芸除  
秋雇氏趣民收斂冬雇氏趣民蓋藏棘雇氏掌民百果  
行雇氏畫為民驅鳥宵雇氏夜為民驅獸桑雇氏趣民  
養蠶老雇氏趣民收麥九雇有名而不知為何鳥按直  
音鵓鵓鵓也禽經竊玄曰鵓廣韻鵓駕屬則春雇為黃  
鸝夏雇為鵓老雇似鵓餘無可考郭璞曰竊淺也竊藍  
謂毛羽淺青竊黃竊丹竊脂猶淺黃淺赤淺白也一曰  
竊脂以盜脂膏而食得名喑喑嘖嘖其聲也

鵓音分鵓  
音春鵓音



梨

鯤鵬

自有北冥篇人疑天壤間有鯤鵬焉若不得見不知無所謂鯤鵬者鯤魚子國語禁鯤鰭鵬古文鳳字鯤雖有而未成魚鵬不常有莊子蓋寓言耳郭象曰鯤鵬之實未詳象固疑之矣諸韻書訓鯤為大魚阮宣子大鵬讚李白大鵬賦皆濫觴於北冥篇也

鳥

鳥即鴉鴉與雅同猶鷄與雞無異也韓文魚魚雅雅是已小爾雅謂鴉鷂為雅鳥失之複雅正之雅本作疋古文大疋小疋爾疋是已後人借作雅今人止知鳥為鴉雅則語下切為大小雅疋則僻吉切為倍兩之疋矣

鴉鷂鷂

爾雅鴉伯勞也郭璞曰似鷂鷂而大左傳鴉伯趙氏說文鴉博勞也曰鴉曰伯勞曰伯趙曰博勞不省為何物服虔曰鷂鷂一名鴉博雅鷂鷂子規也知子規而鴉與

伯勞伯趙博勞皆可矣第服虔所謂鷦鷯博雅所謂鷽鷽皆譌也子規本作鷽鷽鷽从弟音子从弟乃鷽鷽之鷽从是乃鷽鷽之鷽鷽从夫音規从夫乃鷽鷽之鷽鷽鷽為淘河鷽鷽為巧婦二鳥與子規迥別鷽鷽為鷽又子規所化者焉有一鳥而借三鳥以為名也歷書子作秭集韻規作雉意自可見離騷恐鷽鷽之先鳴兮亦當作恐鷽鷽之先鳴兮為是非屈子之誤乃傳寫譌耳蓋鷽一名鷽鷽鷽亦作子嵩又作鷽鷽通借作子規

猶鷁鷁之借作臂係也鵯鵯即郊子所謂鷁鵯一名杜  
宇又名杜鵑莫春始鳴夜啼達旦血漬草木至秋化為  
鷁仲春復化為鵯鵯春鳴百草芳秋鳴百草死先鳴恐  
其未秋即化而鳴也其曰賊害之鳥與應陰氣之動者  
皆謂化為鷁時也詩七月鳴鵯七月已化為鷁復曰鵯  
者本始言之也字林云鷁鷁似伯勞而小即今八哥鳥  
或呼八八者鷁胡八切鷁牙八切因切音而曰八八也  
或呼八葛者鷁从葛上以切音下以所从也葛又轉而

為哥由不識二字故也鵲鵲一名鵲鵲陸佃云鵲鵲似鵲而有鵲今鵲鵲黑而有鵲子規黑而無鵲鵲鵲視子規而小子規視鵲鵲而大二鳥始辨矣韻會并鵲鵲字亦不載非以其不知而畧乎據字義而言博鮮不誤矣

鵲鵲俱音  
提鵲音寧

黃鵲

黃鵲之鵲本作離猶烏鴉之鴉本作雅後人以離為離別別作鵲字猶以雅為雅頌別作鴉字說文離黃倉庚

也以是鳥鵲黑而黃因名離黃庚金黃也倉與蒼同亦  
鵲黑也猶鵲首謂之蒼生故曰離黃倉庚也俗呼黃離  
留或謂之黃栗留栗離之訛也一名商庚商倉之訛也  
或又謂之鵲黃一名楚雀一名搏黍今所謂黃鵲也

### 鵲

錢氏曰詩弁彼鵲斯孔疏曰此鳥名鵲而云斯者語辭  
猶蓼彼蕭斯苑彼柳斯以劉孝標之博學而類苑鳥部  
乃立鵲斯目是不精也此說是矣爾雅鵲斯鵲鵲不獨

類苑也釋名鷺鷥鷺鷥則又以斯从鳥矣若然則螽斯之斯當从虫鹿斯之斯當从鹿寧有是理乎

鷺

陸璣云鷺水鳥形如鷄而極大喙長尺餘頷下胡大如數升囊小澤中便羣共杼水滿其胡棄之令水渴魚見乃共食之俗名淘河一名鷺鷥以頷下有胡也一名鷺鷥以渴澤食魚也郭璞作洿澤為是亦淘河意不知胡何以加鳥作鷺洿澤何以去水並以鳥作鷺鷥也爾雅

亦莫之辨然則鷓其名胡其形洵河湊澤鷓之用則然矣

雉

爾雅鷓雉青質五彩鷓雉長尾走且鳴鷓雉黃色鳴自呼鷓雉似山鷓而小冠背毛黃腹下赤項綠鷓雉長尾者鷓雉今白鷓也鷓鷓鳴其為禽不可辨鷓即今錦鷓鷓即今野鷓鷓即今白鷓鷓尚書所謂華蟲廣韻鷓即今鷓鷓也南越志鷓鷓山鷓也今錦鷓冠背黃腹赤項



綠為山鷄無疑曰似誤也華蟲唐虞以為十二章鷺周以為冕鷄鷄漢以為侍中冠錦鷄今以為一品服是知錦鷄山鷄鷄鷄華蟲鷄一也鷄一名翬王后之服以為飾周禮褱衣畫翬者是也亦作翟書羽畎夏翟又作狄周禮褱狄又南方曰鷄東方曰鷄北方曰鷄西方曰鷄皆翟也因地異名鷄鷄鷄或亦皆翟也色微不同耳又西京雜記南越王獻高帝白鷄黑鷄各一隻黑鷄疑即爾雅所謂秩秩如雉而黑在海中山上者雉之種類實

繁要以羽毛見重亦因色而異名故古人服物多用之為

飾

鷩音搖鷮音驕鷮音撲鷮音別鷮音狄鷮音汗鷮音罩鷮音倪鷮音禕鷮音揮鷮音傳鷮音緇鷮音希鷮音導

鷩鷩

鷩音罩鷩音狄

楊用脩曰後周皇后服制受繭則服鷩衣聽女教則服鷩衣歸寧則服鷩衣鷩鷩字惟見此蓋蘇綽所制也用脩其亦未讀爾雅耶爾雅秩秩海雉雉鷩鷩郭璞云秩秩似雉而黑鷩雉今白鷩也是鷩鷩已見爾雅但鷩作秩古字通用廣韻鷩讀若益舖豉鳥未知即秩秩否

而云鷦鷯惟見此已非是又云蘇綽所制尤非

鷦鷯音

逆

說文鷦鷯也春秋傳六鷽退飛一作六鷽廣韻鷽水鳥  
亦作鷽鷽鷽是知鷽也鷽也鷽也鷽也四者一鳥也按字  
書鷽水鳥九頭博物志鷽雌雄相視則孕莊子鷽相視眸  
子不運而風化然則果何鳥也裴瑜注爾雅云鷽麋鷽  
是九頭鳥也孔子聞河上人鷽歌曰逆毛衰兮一身九  
尾長兮逆當作鷽楊用脩曰鬼車九頭鳥也白澤圖謂

之蒼鷖帝嚳書謂之逆鷖逆亦當作鷖是知鷖即鷖鷖  
鷖鷖即鬼車蓋鷖鷖類也爾雅鷖鷖鳥埤雅鷖鳥大如  
鷖鷖有時吐物長數寸古今注鷖鳥行必遠草木慮觸  
其喙倦游錄吐鷖一名真珠鷖遇晴日先出兩肉角然  
後徐舒其鷖踰時斂於喙下爾雅誤以鷖鳥釋鷖陸佃  
諸人因名生義皆未得其實也予謂吐鷖當是鷖古者  
盤鷖綠色施於左肩以佩印鷖郭璞云冠背毛黃腹下  
赤項綠細辨之冠下別有毛黃而黑文長足覆項及肩

仰則綠盡韜俯則綠漸舒若吐綬然是知吐綬乃鷺非  
鷗也劉禹錫吐綬鳥詩朱鳥星精鍾異氣鷺為赤雉故  
云朱鳥王介甫錦鷄詩天日清明聊一吐鷺一名錦鷄  
吐謂吐綬質之二詩可信

鳥佳

佳音  
雖

說文禽長尾者曰鳥短尾者曰佳尾莫長於鳳故鳳从  
鳥莫短於雀故雀从佳亦有不盡然者雉尾本長而从  
佳鷄尾本短而从鳥有兩从者雅或从佳或从鳥鷄或

从鳥或从隹有並从者。鷓既从鳥又从隹。鷹既从隹又  
从鳥。然鷓佳聲。鷹鷹省也。雀本从口从隹。加鳥作鶴者。

俗文也。

口音炯  
義同

鳥鼠

禹貢導渭自鳥鼠同穴。爾雅鳥鼠同穴其鳥為鼯其鼠  
為鼯。注鼯如人家鼠而短尾。鼯似鵪而小。黃黑色共處一

穴山以是得名。在今臨洮渭源縣南。俗名青雀山。

鼯音  
徒鼯

音突鷓  
音奪

三臭

爾雅鳥曰臭注張兩翼也論語三臭而作謂雉張兩翼臭臭者三遂舉去於上文色斯舉矣意實相應劉聘君亦主此說不知朱子何以不取也

龍

廣雅云有鱗曰蛟龍有翼曰應龍有角曰虬龍無角曰螭龍未升天曰蟠龍其言若辨而實非也按說文龍从肉童省聲龜象肉飛之形何有於翼也龍時飛則飛時

潛則潛蟠非定稱也說文蛟龍屬無角曰蛟蚪龍子無角者蛟若龍無角而黃北方謂之土螻蛟則謂之蛟蚪則謂之蚪蛟則謂之蛟不可言蛟龍蚪龍蛟龍也亦猶謂騰為騰蛇也埤雅騰龍類將亦可謂騰龍哉

鱗之而

考工記凡攫網援簪之類必深其爪出其目作其鱗之而鄭注謂筍虞之獸也之而頰頤也按頰面旁頤頭禿無髮義本不相承以訓之而似未得且之語助亦不當



以之而為句許慎云而頰毛也後又以彡作形鱗謂龍蛇也蓋荀虞之獸刻為龍蛇之狀綢與殺同義與噬同言其狀飛動可畏攫著而欲殺援攬而欲噬如此者必深入其爪突出其目振起其頰毛也

虞音巨頰音哭彡音杉而音而攫音

夾

騶虞斗牛螭虎

相傳物象有騶虞有斗牛有螭虎而今皆亡之騶虞見詩漢儒以為義獸合四靈以配五行其說誣罔歐陽脩

引賈誼新書亦既辨之矣戴植謂天子田獵七騶虞虞人也言文王田獵雖騶從與虞人之賤皆有仁心故嘆美之也至斗牛螭虎別無考見即其形狀斗牛似龍而觚角螭虎似龍而岐尾乃知所謂斗牛者天文北宮七宿斗牛也埤雅云虛危以前象蛇蛇體似龍故以為人臣最尊貴之服所謂螭虎者傳譌也蔡邕獨斷曰天子璽以玉螭虎紐衛宏曰秦以前皆以金玉為印龍虎紐邕謂或螭或虎宏謂或龍或虎非謂螭虎一物也螭若

龍無角而黃亦非岐尾岐尾者雉也

雉音墨

風馬牛

左傳唯是風馬牛不相及也服虔曰馬牛風逸是未界之末事喻不相干也此訓亦未為得俞文豹曰牛馬見風則走牛喜順風馬喜逆風南風則牛南而馬北北風則牛北而馬南相去遂遠正如楚處南海齊處北海也故曰不相及

天祿辟邪

西域傳烏弋山離國有桃拔一名符拔似鹿長尾一角者為天祿兩角者為辟邪予謂桃拔符拔當作桃祓符祓以是獸能祓除不祥也祓誤作拔曰桃曰符者猶度朔山桃梗之意祓除不祥故謂之辟邪永綏百祿故謂之天祿漢立天祿于閣門古人置辟邪於步搖上南陽宗資碑旁有兩石獸一曰天祿一曰辟邪皆取祓除永綏之意一統志忽魯謨斯國產福祿似驢而花文可愛即天祿也今元旦賜近臣福祿獅子亦其遺與

角角

說文角作𧢲古岳切獸角也象形角與刀魚相似崔倕  
仝云角从刀作角音覺頭骨上出也角从一點一ノ作  
角音鹿無訓廣韻角獸角挺番陽董敬菴饒雙峯皆云  
角鳥喙骨也喙即喙也予按說文與崔倕仝所云互有  
得失說文角象形予謂角亦象形角本作角上象頭骨  
有岐下象骨文角亦當作角上象喙骨直而銳下亦象  
骨文訓角為刀魚相似从刀訓角為獸角挺及从一點

一ノ者俱非也角為鳥喙骨其說始見於董饒二氏最為得之廣韻背鳥喙也此角為背會意詩誰謂雀無角何以穿我屋言雀有角而能穿屋也漢書予之齒者去其角言獸有齒無喙骨也顏師古以牛無上齒為訓非是詩與漢書皆當作鹿音讀

倭音握佳音詮ノ音撇喙音畫喙音誨角音覺角音

鹿

牛溲馬勃

溲音小

牛溲牛溺也本草黃犍牛為牯牛溺主水腫馬勃菌也

本草注俗呼馬氣勃紫色虛軟狀如狗肺彈之粉出生

濕地及腐木上主惡瘡

溺音尿

### 太牢少牢一牢五牲八珍

太牢牛也少牢羊也一牢牛羊豕也五牲麋鹿麇狼兔也八珍牛羊麋鹿麇豕狗狼也

牯驂捷羯

牯音介驂音呈捷音堅羯音揭

說文牯驂牛也驂牯馬也羯羊牯牯也廣韻捷牯牛人多未喻增韻凡畜健强者皆為牯唐郭崇韜謂魏王繼

爰曰驟馬亦不可乘是以不馴為義按漢陳宮傳宮刑或云捨刑廣韻劇以刀去牛勢也或作捷則捨也驟也捷也羯也皆馬牛羊去勢之名說文廣韻得之

劇音堅  
羯音結

魚須

須音  
斑

玉藻笏大夫以魚須文竹士竹本象可也馮鑑云大夫用魚鬚文士以竹誤以須為鬚於文字下又去竹字以文士連讀史繩祖辨之是矣即本註亦未為得崔云用文竹及魚斑也隱義云以魚須飾文竹之邊且亦未明



為何物按廣韻魚獸名陸機云魚獸似豬出東海肉背有斑文肉雖乾每潮至及將雨毛皆起是大夫笏以竹為質以魚斑飾之士則竹而已故曰本象魚斑不獨以飾笏古以為箭室詩象弭魚服是也又以為旗吳都賦旗魚須子虛賦靡魚須之撓旃是也

飛魚白澤

飛魚蜺也山海經秦器之山淮水出焉是多蜺魚鳥翼蒼文白首赤喙群飛海上常有風爾雅翼蜺長尺許

翅與尾齊一名飛魚白澤獺也說文獺似熊而黃黑色白  
居易獺屏贊象鼻犀目牛尾虎足寢其皮辟濕圖其形辟  
邪徐氏謂即白澤也

邛邛岨虛

爾雅西方有比肩獸焉與邛邛岨虛比為邛邛岨虛齧甘  
草即有難邛邛岨虛負而走其名謂之蜃呂氏春秋北方  
有獸其名為蜃鼠前而兔後趨則頓走則顛邛邛岨虛鼠  
後而兔前高不得取甘草故須蜃食之孔叢子蜃得甘草

必齧以遺蛭蛭駞駞二獸見人來必負蛭以走爾雅與呂氏春秋作邛邛岨虛孔叢子作蛭蛭駞駞其說有無不可知子虛賦注邛邛青獸如馬距虛似羸而小岨又作距今驢父馬母生曰駞或即岨虛也邛邛或亦此類與

解豸鸛鵒

今制品官服色法官服解豸七品官服鸛鵒而鸛鵒又諫垣獨服之說文解豸似山羊一角古者決獄令觸不直者埤雅鸛鵒性食短狐蓋鳥之勅邪逐害者法官與諫垣上

則弼違下則瘴惡有觸不直勅邪逐害之義故服之脫有  
不然是仗馬是窮奇矣

象鼻鱷尾

虞衡志象頭不可俯頸不可回口隱於頤去地尚遠以鼻為用  
一軀之力皆在鼻將行先以鼻柱地鼻端甚深可以開闔取  
物中有小肉夾雖芥子亦可拾每取物就爪甲擊去泥垢  
而後捲以入口飲水亦以鼻吸嶺表異物志鱷形如鼉喙長  
半其身牙如鋸尾有二鈎極利遇鹿豕以尾戟之以食生卵

甚多或為魚鼉其為鱣不過二三象食以鼻鱣食以尾物類之異者也象孕五年乃乳鱣生卵為魚鼉天不欲其類繁也

豶豕

豶音加  
豕音巴

說文豶牡豕也左傳盍反吾艾豶豶音轉為牙又轉為假俗謂牙猪假肉也稱假者今武昌稱牙者所至皆然說文豶牝豕也詩一發五豶南人謂養曰巴北人謂女陰曰巴南人有音而無字作𧈧者俗也北人取義於牝故每聞南人言輒盧胡

鱣鮪

詩鱣鮪發發鱣今海東黃魚俗作鯉鮪一名鱣俗作鱣  
郭璞曰鱣大魚似鱣而短鼻口在頷下體有斜行甲肉  
黃大者長二三丈鮪屬大者名王鮪小者叔鮪似鱣  
而青黑頭小而尖似鐵兜鍪陸璣曰鮪身形似龍周洛  
曰鮪出鞏山穴中三月遡河流上能度龍門則為龍是  
化龍者鱣鮪也俗謂鯉化龍因鯉亦謂之鱣故謠也字  
說云龍八十一鱗能變者也鯉三十六鱗雖無變而有

理者也無變又豈能化

黃鰮

鰮在禮切  
鰮居衛切

漢貨殖傳鮐黃千斤說文黃刀魚也飲而不食俗作鰮  
韻書無鰮字唐人詩桃花流水鰮魚肥爾雅翼鰮魚有  
肚能嚼者廣韻大口細鱗有斑文一名婢魚訛作鰮鰮  
鼻在額上似鰮

鰮鰮

鰮音而  
鰮音安

說文鰮魚子也鰮魚子生者也鰮是子之在胎者鰮是

子之散泊在草者

蛤四蜃二

蜃音  
矧

蛤蚌也亦曰蜆又曰珧狹而長者曰靈附石而生者曰  
蠣又曰蠔海蛤蚶也亦曰魁陸圓而厚外有理縱橫山  
蛤石鱗魚也似蝦蟆而大身長黑色無痂癰三者皆可  
食蛤蚧似守宮而大長四五寸尾與身等可入藥蜃車  
螯也似蛤而大其甲可為器煨之以為灰禮鬯人職四  
方山川用蜃器甗氏淫之以蜃謂薄粉之也又蜃似蛟



而無足天官書海旁蜃氣象樓臺謂之海市者此也

音玼

搖蜃音排非音肺瘡音疊  
恍音荒韻音被屬音戲

### 蛤蠣

今人或以紙或以繒重糊之以為書衣冠武履襯曰蛤  
蠣不悟其義嘗閱韻書蛤蜃屬大曰蛤小曰蜆蠣蚌狹  
而長者皆甲蟲也書之衣冠之武履之襯皆殼也殼甲  
也借蛤蠣以名殼也北音呼歌排南人呼格簿皆蛤蠣  
之訛也凡俗呼未嘗無字但人不察耳

觜蟪轔轔

觜音咨蟪音兮轔音被轔音轔

觜蟪玉篇大龜也似瑇瑁而薄有文今龜同是也又西方宿名轔轔廣韻鼈也一曰雌鼈為轔今碑跗其像也又作力貌楊孚嶺表異物贊係臂如龜生於海洲係臂當作臂係即轔轔也楊用脩以臂係為海錯之名又以轔轔為鵠吻之類殆猶未辨耳

鼈黽

黽音猛

周禮蝓氏掌去鼈黽鼈即蛙說文蝦蟆屬長脚喜鳴色

青謂之青蛙一名田鷄又曰水鷄龜郭璞云蝦蟆屬似  
青蛙大腹一名土鴨二者皆可食陶弘景云蝦蟆腹大  
皮上多痂癰不可食今但以取蟾酥一名蜚蠊子名科  
斗一名活東形圓有尾聞雷震則尾脫脚生爾雅鼃鼃  
詹諸也其鳴詹諸其形鼃鼃詹諸作蟾蜍似蝦蟆居陸  
地玄中記蟾蜍生角食之壽千歲尚書故實百越人以  
蝦蟆為上味皮最佳謂之錦襖子非真蝦蟆蓋謂石鱗  
魚耳石鱗魚似蝦蟆而大生石澗中此即所謂蛤所謂

鼃鼃所謂錦襖子者也生角又其異者耳

鼃音肺癰音  
鼃音族或

鼃作

馬螳

螳與  
蟻同

爾雅虬蜉大螳小者螳注大螳俗呼為馬虬蜉大戴禮  
注螳為玄駒母以大螳馬小螳駒與或以馬善陣螳亦  
善陣有似於馬故得馬名古今注謂人成蚊蚋馬成大  
螳恐非

青蚨海月

博雅蠍蝮魚伯青蚨也謝靈運詩挂席拾海月青蚨海  
月二者皆水蟲也搜神記南海有蟲名蜎蝮如蟬大辛  
美可食其子如蠶種殺其母塗錢子塗貫用錢則自還  
即青蚨也今閩廣所食龍虱是本草云海月南海水沫  
所化煮時猶變為水似半月因以名之海蛤類也黃直  
翁以為寶名誤矣

麋

按麋鹿子也韻會凡獸子初生皆曰麋引韓愈猛虎行

子食赤豹麋誤矣羔小羊也北人罵人年少曰羔然則羔亦豈人與麋為豹子借用耳

馬頭娘

雲笈云黃帝元妃西陵氏始養蠶為絲禮記皇妃祭先蠶西陵氏也周禮疏蠶為龍精與馬同氣禁原蠶為其害馬也由雲笈與禮記則蠶祖為西陵氏黃帝妃也由周禮疏則蠶馬之所視以為盛衰馬胎于蠶也古之可見者如此圖經高辛時蜀蠶女父為人所掠惟所乘馬

在母誓得父者娶以女馬振迅去得父還父違誓殺馬  
曝其皮皮捲女飛去女化為蠶披馬皮謂之馬頭娘蜀  
人祀以祈蠶曰娘者因西陵氏而謠也曰馬者因馬同  
氣而謠也曰祀以祈蠶者托于皇妃祀先蠶之文也其  
不經如此至有謂高辛氏募得犬戎將吳將軍頭以少  
女娶槃瓠皆此類也

狼戾很戾

很下  
懇切

狼性多藉其草穢亂故曰狼藉曰狼貪又曰狼戾皆言

多也羊性很愈牽愈不進其曰很戾言不順從也狼从  
犬良聲很从犭良聲字相近而迥異今言不順從者乃  
曰狼戾或曰貪很則失之矣

犭音尺

### 決明螬蛸各二

石決明鮠也似蛤附石而生王莽所啗者菜決明芟也  
葉黃銳赤華實如山茱萸屈到所嗜者桑螬蛸螬娘子  
螬逢木便產唯桑上者為佳陶隱居以為得桑之津  
氣也海螬蛸烏賊止背上一骨輕虛而白腹中血及膽



如墨本草以為生東海池澤者也

畸蟾

音

廣韻畸長足蟲也說文蟪蛸長股者一名長肢詩疏長  
畸河內人謂之喜母著人衣富有親客至今產子牆壁  
上護以白膜亦有足抱子行者俗謂之喜喜則畸也西  
京雜記蜘蛛集而百事喜陸賈云蟾子垂而百事喜李  
德裕云人將有喜兆垂於冠冕蜘蛛有三種一種布網  
簷端一種絡幕草上俱蒼黑色一種小而微紅謂之蟾

蛛則蟾也郭璞以小蜘蛛長脚者為蠪蛸是猶未辨

蜥蜴蠃蜃

說文在草曰蜥蜴在壁曰蠃蜃爾雅疏在草澤中者名  
蠃蜃蜥蜴在壁名蠃蜃守宮蜥蜴又名蛇醫又曰龍子  
其色青紺長二三尺守宮又名蝟虎灰色大如指夷堅  
志劉居中至嵩山嶺有大蜥蜴數百就水飲纔入口即  
吐雹圓結如彈丸忽雷震彈丸皆失去故人用以禱雨  
蜥蜴龍子理或然也顏師古曰守宮術家以器養之飼

以丹砂滿七斤擣治萬杵以點女子臂終身不滅有房  
室之事則滅矣劉邠曰守宮生屋壁如守宮然故名之  
何在防淫佚也邠此言是矣儒行篇宮牆垣也螻蛄常  
居牆垣之中若守然東方朔政政脉脉善緣壁是也

瑣瑤水母

郭景純江賦瑣瑤腹蟹水母目鰕松陵集注瑣瑤似蟬  
有一小蟹在腹中為瑣瑤出求食或不歸瑣瑤餒死淮  
南人呼為蟹奴廣韻水母名蟻形如羊胃無目以鰕為

目嶺表錄水母腹下有物如絮謂之足而無口眼常有數十鰓寄腹下捕者或遇之即沈乃是鰓有所見耳一名蛇又名擣蒲魚又名海鰓二物者亦異矣

螂蛆蜈蚣蛇

爾雅蒺藜螂蛆郭璞云似蝗而大腹長角能食蛇腦莊子螂蛆甘帶是也埤雅螂蛆蜈蚣今俗謂之百足魯連子百足之蟲三斷不蹶是也韻會馬蛇蟲百足似蜈蚣而小尤多脚不能毒人莊子蛇憐蛇是也按蒺藜也

爾雅以為螂蛆不可曉或亦以果羸為蒲盧之類郭璞以螂蛆似蝗非食蛇唯蜈蚣為然埤雅以為蜈蚣是廣韻帶蛇別名亦非帶腦也中州人謂頭為腦帶莊子謂甘帶即郭璞所謂食蛇腦也蜈蚣謂之百足蛇亦謂之百足

鷄尸蚌兩

史記蘇秦說韓宣惠王曰寧為鷄口無為牛後戰國策作鷄尸牛從戰國策蘇代語趙惠王曰鷄曰今日不兩

明日不雨即有死蚌蚌亦謂鷸曰今日不出明日不出  
即有死鷸陸農師讀兩作兩秦稱牛後者將激其怒而  
從也史記為是鷸知天將雨鳥也兩即解去戰國策為  
是

### 桂蠹

漢成帝紀桂蠹花不實文帝紀賜尉佗書衣服使者獻  
桂蠹一器東方朔七諫桂蠹不知所淹留兮大業拾遺  
錄桂蠹紫色有香噉之已陰痿之疾按桂蠹桂樹中蝨

蟲食桂味辛蜜漬之可食成帝紀桂蠹謂桂有蠹後三  
言桂蠹皆指蝸蟲言此亦可見桂有實

鎖陽五靈脂紫稍花

輟耕錄韃靼田地野馬或與蛟龍交遺精入地久之發  
起如笋上豐下儉鱗甲櫛比筋脈連絡其形類男陰名  
曰鎖陽五臺山有鳥名號寒蟲四足肉翅不能飛盛夏  
文采絢爛自鳴曰鳳凰不如我深冬毛羽脫落索然如  
鷓鴣又自鳴曰得過且過其糞五靈脂執林伐山龍生

三卵一為吉吊上岸與鹿交或在水邊遺精流槎遇粘  
裹浮木枝如蒲桃馬號紫稍花道樞謂之龍鹽如所云  
則三物亦希有矣有或贗也

音聲木鵲鵲灘

因話錄唐尚書省南門有古槐垂陰甚廣相傳夜深聞  
絲竹之音省中即有入相者謂之音聲木劇談錄河南  
府尹闕前臨大溪每僚佐有入臺則水中先有小灘漲  
出牛僧孺為縣尉忽報灘出邑宰與同僚往觀之有老





鳴者也詩五月斯螽動股毛鄭誤以釋螽斯螻蛄似蚣  
蛄而細長飛翅作聲蟻蛄一名蚱蜢似蝗而小善跳蟲  
或謂即草蟲因其多子故詩人取喻也

螽音負蟻音  
凡蟻音斯蚣

音嵩蛄音胥蟻  
音契蚱音歷

### 皮革

生曰皮理之曰革柔之曰韋柔之不均謂之鱗

鱗音  
虧

### 十四物取義

負負形似龜性好負重故用載碑螭吻形似獸性好望


故立屋角上徒牢形似龍而小性好吼有神力故懸於  
鐘上憲章形似獸有威性好囚故立於獄門上饕餮性  
好水故立於橋所蟋蟀形似獸鬼頭性好腥故用於刀  
柄上蠨蛸形似龍性好風雨故用於殿脊上螭虎形似  
龍性好文彩故立於碑首金猊形似獅性好火烟故立  
於爐蓋上椒圖形似螺螄好閉口故立於門上今呼鼓  
了非也蚺蛇形似龍而小好立險故立於護朽上鰐魚  
形似龍好吞火故立於屋脊上獸吻形似獅好食陰邪

故立於門鐸上金吾形似美人首魚尾有兩翼性通靈  
不睡故用巡警見菽園雜記得之倪村民家雜錄中必  
博雅者有所采也其曰螭虎亦不免訛耳恐訛亦不止  
此云

### 鷓鴣

爾雅鷓鴣鷓鴣按鷓鴣惡鳥鷓鴣小鳥即鷓鴣也二鳥  
本不同蓋誤也正名曰鷓鴣分言之或曰鷓或曰鷓又  
或作梟有三種一種茅鷓似鷹而白有冠一名鷓一名

鴛今未知為何鳥一種恠鴛又分二種一似鷹性嗜鼠俗名夜食鷹頭圓而有耳俗又名貓兒頭即鴛鴦也曰角鴛曰鴛鴦曰鴛鴦曰訓狐曰姑獲皆其名也一似黃鸝背有文如鋤雄鳴扛雌鳴孔俗名快扛即鸞也曰鸞曰鸞離曰鬼車曰車截板曰九頭鳥皆其名也二鳥晝伏夜見鳴則凶一種梟鴞又名土梟少好長醜大則食其母日至捕磔之以頭挂木上因謂挂首為梟亦未詳其形似或云即鸞鴞也



名義考卷十